

## Bīntùi Kàuhōe Tiong ê Ìmloān

5 Góa khaksit ū thia<sup>n</sup> tiòh lín tiongkan ū ìmloān ê tāichì, tòh sī ū lāng siuliū āubú chò bó, hit khoán ê ìmloān liān kàuhōe gōa mā m̄ bat thia<sup>n</sup>kòe. 2 Lín ná ē iáu teh kiaungō chūtāi? Ná ē bô kámkak aisiong, bô kā chò chit khoán tāichì ê lāng tùi lín tiongkan kóa<sup>n</sup> chhut khi? 3 Góa lāng sujiān bô tī lín hia, sim khiok kah lín chòhōe. Góa íkeng hōng Chú lésu ê miâ, kā hoān chit khoán chōe ê lāng phò<sup>n</sup>chōe ā. 4 Tng lín chūhōe ê sí, góa ê sim kah lín chòhōe, lín tiòh khò lán ê Chú lésu ê koānlēng, 5 kā hit khoán lāng kau hō Satán khi húihoāi i ê jiòksin, thang hō i ê lēnghūn tī lán ê Chú lésu chàilím ê jitchí ē tàng titkiù.

6 Lín ê khoakháu chin m̄ hó, lín kám m̄ chai tāmphò<sup>a</sup> kà<sup>n</sup>bó ē hō kui sng ê mīhúnychhè hoat khi lāi? 7 Kū ê kà<sup>n</sup>bó tiòh tū hō chhengkhì, thang hō lín chiā<sup>n</sup>chò sin ê mīhúnychhè. Kísit, lín púnlāi tòh sī bô kà<sup>n</sup> ê mīhúnychhè, inūi lán Pôa<sup>n</sup>kòdechēh ê iū<sup>n</sup>ko — Kitok íkeng ūi lán hiseng ā. 8 Sói, lán m̄ thang ēng phái<sup>n</sup>sim októk ê kū kà<sup>n</sup>bó, tiòh ēng sēngsít kah chinlí ê bôkà<sup>n</sup>piá<sup>n</sup> lāi siú Pôa<sup>n</sup>kòdechēh.

9 Íchēng góa kià hō lín ê phoe nih, ū kā lín kéngkài m̄ thang kah ìmloān ê lāng lāióng. 10 Góa pēng m̄ sī teh chí kàuhōe gōa hiahê ìmloān, thamsim, chàkhi á sī pài ngósiōng ê lāng; nā bô, lín soah tiòh līkhui chitê sèkan chia<sup>h</sup> ū khólēng. 11 Chóng sī, ta<sup>n</sup> góa siá chit tiu<sup>n</sup> phoe hō lín, sī beh kóng: M̄ thang kah hiahê chūchheng sī Kitoktō, khiok sī ìmloān, thamsim, pài ngósiōng, húipòng, hò<sup>n</sup> chiú, á sī chàkhi ê lāng lāióng, liān kah chit khoán lāng kàng toh chiāhpng mā m̄ thang.

12 Kísit, phoephò<sup>a</sup> kàuhōe gōa ê lāng pēng m̄ sī góa ê tāichì, SiōngChú ē kā in símphò<sup>a</sup>. 13 Chóng sī, lín kám m̄ sī tiòh phoephò<sup>a</sup> kàuhōe lāi ê lāng? Tú chiàu kengtián só kichài:

**Lín tiòh kā siàok ê lāng tùi lín tiongkan kóa<sup>n</sup> chhut khi.<sup>7</sup>**

## 面對教會中 ê 淫亂

5 我確實有聽 tiòh lín 中間有淫亂 ê tāichì, tòh 是有人收留後母做 bó, hit 款 ê 淫亂連教會外 mā m̄ bat 聽過。 2 Lín ná ē iáu teh 驕傲自大? Ná ē 無感覺哀傷, 無 kā 做 chit 款 tāichì ê 人 tùi lín 中間趕出去? 3 我人雖然無 tī lín hia, 心卻 kah lín 做伙。我已經奉主耶穌 ê 名, kā 犯 chit 款罪 ê 人判罪 ā。 4 當 lín 聚會 ê 時, 我 ê 心 kah lín 做伙, lín tiòh 靠咱 ê 主耶穌 ê 權能, 5 kā hit 款人交 hō 撒旦去毀壞伊 ê 肉身, thang hō 伊 ê 靈魂 tī 咱 ê 主耶穌再臨 ê 日子 ē tàng 得救。

6 Lín ê 誇口真 m̄ 好, lín kám m̄ 知淡薄 á 酵母 ē hō kui sng ê 麵粉糲發起來? 7 舊 ê 酵母 tiòh 除 hō 清氣, thang hō lín 成做新 ê 麵粉糲。其實, lín 本來 tòh 是無酵 ê 麵粉糲, 因為咱 Pôa<sup>n</sup> 過節 ê 羊羔—基督已經為咱犧牲 ā。 8 所以, 咱 m̄ thang 用 phái<sup>n</sup> 心惡毒 ê 舊酵母, tiòh 用誠實 kah 真理 ê 無酵餅來守 Pôa<sup>n</sup> 過節。

9 以前我寄 hō lín ê phoe 裡, 有 kā lín 警戒 m̄ thang kah 淫亂 ê 人來往。 10 我並 m̄ 是 teh 指教會外 hiahê 淫亂、貪心、詐欺 á 是拜偶像 ê 人; 若無, lín soah tiòh 離開 chitê 世間 chia<sup>h</sup> 有可能。 11 總是, ta<sup>n</sup> 我寫 chit 張 phoe hō lín, 是 beh 講: M̄ thang kah hiahê 自稱是基督徒, 卻是淫亂、貪心、拜偶像、誹謗、好酒, á 是詐欺 ê 人來往, 連 kah chit 款人全桌食飯 mā m̄ thang。

12 其實, 批判教會外 ê 人並 m̄ 是我 ê tāichì, 上主 ē kā in 審判。 13 總是, lín kám m̄ 是 tiòh 批判教會內 ê 人? Tú 照經典所記載:

Lín tiòh kā 邪惡 ê 人 tùi lín 中間趕出去。<sup>7</sup>

<sup>7</sup> SBK 17:7, 19:19, 22:21, 22:24, 24:7

<sup>7</sup> 申 17:7, 19:19, 22:21, 22:24, 24:7